

საქართველო

პროვნილი თავისუფლების გზით - პროვნილი თავისუფლებასავე
 პროვნილი თავისუფლების გზით - პროვნილი თავისუფლებასავე

პროვნილი
 ბიზნიროთეკა

ყოველკვირეული საზოგადოებრივ-პოლიტიკური გაზეთი
 გამოდის 1903-1905, 1915-1921 წწ. აღდგენილია 1989 წელს.

№ 20 (1458) 10-13 ივნისი, 1996 წელი

ამ
 არვის,
 დიდსა
 თუ
 პატარასა,
 ჰვყუნის
 ბკივილით
 არ სბკივა
 გული...



თენგიზ ჟიტოვანი:
 ზვიადის მოსაკლავად ჩემ-
 თან და თენგიზთან მოვიდ-
 ნენ პროფესიონალი მკვლე-
 ლები რუსეთიდან.
 როცა დაგვჭირდება, იმის
 გვარსაც ვიტყვით, ვინ გა-
 მოგზავნა ედუარდმა


→ მე-2 გვ.

კითხვა:
 რა მიგაჩნიათ დაუშვებულ
 შეცდომებად?
თენგიზ სიგუა:
 1991 წლის 22 დეკემბერი...

→ მე-4 გვ.

**აბიტურიენტების
 მუოგლეპო,
 ბეპიეპო და ბაბუეპო!**
 მისაღებ გამოსცდებზე დიდ
 ფულთან ერთად ცოტა
 ცოდნაც არის საჭირო.
 წააკითხეთ
 აბიტურიენტებს ჩვენი
 გაზეთის მე-6 გვერდი

«აღვერიანით ერსა უცხოსა»



ყოველი ერი განსაკუთრებულ ყუ-რადღებას აქცევს საკუთარი გამრავ-ლების პრობლემებს, ყოველმხრივ ჯა-ნსალი და სრულყოფილი თაობის განახლებას. ამაში ხედავს იგი თავისი სიცოცხლის გაგრძელებას, მისთვის დამახასიათებელი ნიშან-თვისებების, ტრადიციების, წეს-ჩვეულებებისა და ინდივიდუალობის უკვდავყოფას. ცხა-დია, ქართველ ერსაც აწუხებს თავისი შთამომავლობის გამრავლების პრობ-ლემები. ამ პრობლემების გადასაწყვე-ტად მას დიდი ძალისხმევა დასჭირ-დება, რათა არ დაკარგოს საკუთარი სახე, ის მშვენიერება, რაც მხოლოდ მას შეუქმნია და აქვს, რაც მის მშობლიურ მიწას ალამაზებს და რი-სთვისაც ღირს ერის სიცოცხლე.

უძველესი დროიდან ქართველი ერი არ ზოგავდა სასიცოცხლო ენერ-გიას თვითმყოფობისათვის, ეროვნული გრძნობის გაღვივებისა და გაძლიერე-ბისათვის. ძნელბედობის, ქვეყანაში უცხო ტომისა და უცხო ხალხის მოძალების უამს, ყოველთვის გამოი-ნახებოდა ეროვნული ძალები, რომლებიც ქვეყნისა და ერის გადასარჩენად ზრუნავდნენ. მრავალთა შორის შეიძ-ლება დავასახელოთ მე-მ საუკუნის მეორე ნახევრის ცნობილი მოღვაწე იოანე საბანისძე. ამ პერიოდში მოსა-ხლეობა არაბების მძიმე უღელქვეშ გმინავდა. იოანე საბანისძე გულსტი-კივილით აღნიშნავდა, რომ ქართვე-ლები არაბთა „შიშითა განილევიან და ირყევიან ვითარცა ლერწამნი ქართა-გან ძლიერთა“ და საქვეყნოდ კიცხავდა

ძვირფასო მკითხველო, ეს უნიკალური ცხრილი, რო-მელიც ბატონმა ანზორ თოთაძემ გადმოგვცა, პირვე-ლად ქვეყნდება. ამ მშრალ ციფრებში ქართველი მკი-თხველი დაინახავს, რომ ჩვენი ქვეყნის დემოგრაფიული ვითარება კატასტროფულია.

თუ დროზე არ გუმკურნალეთ ჩვენს დემოგრაფიულ სატკივარს, შთამომავლობა ახალ ცხრილს შეადგენს, რომელსაც ციფრებით დაწერილი ქართველი ერის ები-ტაფია დაერქმევა...

ასეთ გადაგვარების გზაზე დამდგარ ელემენტებს. მაგრამ მას მაინც ყვე-ლაზე მეტად ის აწუხებდა, რომ „აღვერიანით ერსა უცხოსა, შჯული-თა განდგომილსა ქრისტესაგან... სა-რწმუნოებისა ჩვენისა მაგინებელთა“. იგი გვაფრთხილებდა, რომ დავივიწყე-თო „ჩვეულებისამებრ მამულისა სლვაი“, რადგან ეს გადაგვარებასა და საკუთარი სახის დაკარგვას მოასწავე-ბდა.

გიორგი მთაწმინდელი კი შესანი-შნავად ბრძანებდა: „და რომელთა ქართველთა განმრავლება იღვა-წონ... საუკუნომცა არს სახსენებელი და კურთხევა მათი!“. სწორედ ასეთი სულიერი მოძღვრების ფესვებზე ამო-ნაყარმა ნერგებმა გამოგვატარა საში-ნლად ბნელი შუა საუკუნეები, როდესაც არ წყდებოდა ნიაღვარივით ნა-სალეკად მომსკდარ ათასგვარ ურჯუ-ლოთა ურდოები.

ყოველი ერი ზრუნავს იმისათვის,

რომ იყოს უმრავლესობა თავის ისტო-რიულ ტერიტორიაზე და ამ მხრივ რაიმე საფრთხე და გადაგვარება არც პერსპექტივაში ემუქრებოდეს. ყველა ერი ამაში ხედავს თავის სასიცოცხლო ინტერესებს და ეს გასაგებია. ტო-ტალიტარული რეჟიმის პირობებში ყოფილ საბჭოთა კავშირში მკვეთრად დაირღვა ერთა თანაცხოვრების ტრა-დიციულად ჩამოყალიბებული რაოდე-ნობრივი ბალანსი. ისეთი პირობები შეიქმნა, რომ მიგრაციული პროცესე-ბის რეგულირებისათვის რესპუბლიკე-ბის ინტერესები საგებით უგულვე-ლყოფილი იყო. მაგალითად, ლატვი-აში სხვა ხალხების ინტენსიური გადა-სახლების შედეგად მნიშვნელოვანად შემცირდა მკვიდრი ეროვნების წილი. კერძოდ, თუ 1959 წელს ლატვიელები შეადგენდნენ რესპუბლიკის მთელი მოსახლეობის 62 პროცენტს, 1989 წელს მათი რაოდენობა მხოლოდ 52 პროცენტს უდრიდა. ამავე პერიოდში

ლატვიელთა რიცხვი (საქართველოში) ბლიკაში 90 ათასით გაიზარდა, ხოლო სხვა ხალხები — 573 ათასით. ბუნე-ბრივია, როდესაც კატასტროფულად მცირდება მკვიდრი ერების წილი, უკვე საფრთხე ემუქრება მათ ეროვ-ნულ სახეს და გადაგვარების რეალუ-რობა აშკარა ხდება. ასეთ შემთხვევაში სხვა ერი თავს გახვევს თავის ტრა-დიციებს, წეს-ჩვეულებებს, ეროვნულ ღირებულებებს. ამასთან, ცხადია, მკვიდრ და არამკვიდრ ერებს შორის რაოდენობრივი დისბალანსი აუცილე-ბლად იწვევს დაძაბულობას ერებს შორის. ყველა ერი ზრუნავს იყოს უმრავლესობა თავის ქვეყანაში და ეს თვითმყოფობის შენარჩუნების ეროვ-ნული გრძნობა არავისთვის უცხო არ არის.

საქართველოში, მართალია, ასეთი მდგომარეობა არ არის, მაგრამ, ამ მხრივ, ვითარება მაინც მძიმეა. ჩვენ-თან მცხოვრები სხვადასხვა ეროვნების რაოდენობა ცალ-ცალკე აღებულ ასე-ულ ათასს უდრის. ისინი ძირითადად კომპაქტურად ცხოვრობენ. გარკვეულ მძიმე სიტუაციებში სეპარატისტული ძალები მათ უპირისპირებენ ქართველ ხალხს, ქმნიან დაძაბულობის კერებს.

XIX საუკუნის დასაწყისისათვის საქართველოს მოსახლეობის ეროვნუ-ლი შემადგენლობა შედარებით ერთ-ფეროვანი იყო. ერთ-ერთი გაანგარი-შებით, ქართველები ქვეყნის მთელი მოსახლეობის 89 პროცენტს შეადგენ-დნენ. ამჟამად, კერძოდ, 1989 წელს

დასასრული მე-6 გვ.

საქართველოს მოსახლეობის პროცენტული შეადგენლობა 1989 წელს რეგიონების მიხედვით

	სულ მოსახლეობა		მათ შორის											
			ქართველი		აფხაზი		ოსი		რუსი		სომეხი		აზერბაიჯანელი	
	აბსოლუტურად	პროცენტუ-ლად	აბსოლუტუ-რად	პროცენტუ-ლად	აბსოლუტუ-რად	პროცენტუ-ლად	აბსოლუტურად	პროცენტუ-ლად	აბსოლუტურად	პროცენტუ-ლად	აბსოლუტურად	პროცენტუ-ლად	აბსოლუტურად	პროცენტუ-ლად
აფხაზეთი	525 061	100,0	239 872	45,7	93 267	17,8	1 165	0,2	74914	14,3	76541	14,6	517	0,1
აჭარა	392 432	100,0	324 813	82,8	1 636	0,4	815	0,2	30042	7,7	15849	4,0	1077	0,3
იმერეთი	766 892	100,0	725 767	94,6	26	0,0	1 162	0,1	20822	2,7	3547	0,5	1283	0,2
სამეგრელო	410 037	100,0	383 147	93,4	-	-	346	0,1	17789	4,3	1221	0,3	783	0,2
გურია	158 053	100,0	147 496	93,3	-	-	225	0,1	4567	2,9	3457	2,2	239	0,2
რაჭა-ლეჩხუ-მი	48 346	100,0	46 725	96,6	-	-	317	0,6	127	0,3	86	0,2	58	0,1
სვანეთი	26 120	100,0	25 947	99,3	-	-	15	0,0	57	0,2	22	0,1	31	0,1
სულ														
დასავლეთ საქართველო	2 326 941	100,0	1 893 638	81,4	94 929	4,1	4045	0,2	148318	6,4	100723	4,3	3988	0,2
თბილისი	1246936	100,0	824412	66,1	406	0,0	33157	2,7	124867	10,0	150138	12,1	17986	1,4
შიდა ქართლი	521729	100,0	379909	72,8	9	0,0	103082	19,8	10114	1,9	11384	2,2	7487	1,4
ქვემო ქართლი	608491	100,0	214347	35,2	111	0,0	8587	1,4	34934	5,7	43993	7,2	243977	40,1
კახეთი	441045	100,0	360245	81,7	-	-	12441	2,8	13690	3,1	6473	1,5	33641	7,6
სამცხე	89536	100,0	55892	62,4	-	-	234	0,3	3765	4,2	27271	30,5	179	0,2
ჯავახეთი	107003	100,0	3459	3,2	-	-	45	0,0	4898	4,6	97056	90,7	214	0,2
აღმოსავლეთ საქართველო	59160	100,0	55491	93,8	-	-	2464	4,2	586	1,0	173	0,3	84	0,1
სულ														
აღმოსავლეთ საქართველო	3073900	100,0	1893755	61,6	526	0,0	160010	5,2	192854	6,3	336488	11,0	303568	9,9
სულ														
აღმოსავლეთ საქართველო	1826964	100,0	1069343	58,5	120	0,0	126853	6,9	67987	3,7	186350	10,2	285582	15,6
სულ														
საქართველო	5400841	100,0	3787393	70,1	95853	1,8	164055	3,0	341172	6,3	437211	8,1	307556	5,7

აბიგურიენტებისა და მე-11 კლასელთათვის



„კლასიკური მუსიკის უსსოსა...“

მეხუთე გვერდიდან

ეს მაჩვენებელი 70,1 პროცენტს უდრის. ცალკეულ რეგიონებში კი მდგომარეობა მართლაც საგანგაშოა. მაგალითად, ჯავახეთში, ქვეყნის ამ ძირძველ ისტორიულ კუთხეში, ქართველები მხოლოდ 3,2 პროცენტს შეადგენენ, ქვემო ქართლში კი 35,2 პროცენტს (ქალაქ რუსთავის მოსახლეობის გამოკლებით — 25 პროცენტს). აღსანიშნავია, რომ ქართველები დასავლეთ საქართველოს მთელ მოსახლეობაში 81,4 პროცენტს შეადგენენ, ხოლო აღმოსავლეთ საქართველოში გაცილებით ნაკლებს — 61,6 პროცენტს. თუ თბილისის მოსახლეობას მხედველობაში არ მივიღებთ, ეს მაჩვენებელი კიდევ უფრო მცირეა — 58,5 პროცენტი.

ამასთან, დასავლეთ საქართველოში ცხოვრობს 2327 ათასი კაცი, ანუ 747 ათასი კაცი ნაკლები, ვიდრე აღმოსავლეთ საქართველოში, თუმცა ქართველების რაოდენობა როგორც აღმოსავლეთ, ისე დასავლეთ საქართველოში ზუსტად თანაბარია — 1894 ათასი კაცი.

ჩვენს ქვეყანაში მოსახლეობის არსებული ეროვნული შემადგენლობა ინტენსიურ მიგრაციულ პროცესებთან ერთად, იმანაც განაპირობა, რომ ქართველებში დაბალია შობადობის დონე. უკანასკნელ წლებში უაღრესად შეიზღუდა ქართველი მოსახლეობის კვლავწარმოება. ეს იმას ნიშნავს, რომ დაბადებული ბავშვები არასაკმარისია მშობელთა თაობის რაოდენობრივი განახლებისათვის. ამასთან ქვეყნის მოსახლეობის ეროვნული შემადგენლობა ზოგიერთს სრულებითაც არ აღეგებს და ისინი სამაგალითოდ დასავლეთ ევროპის ქვეყნებს ასახელებენ, სადაც მილიონობით უცხოელი მიდის სამუშაოდ, რათა გაიმჯობესონ ეკონომიკური მდგომარეობა. მაგალითად, 80-იან წლებში გერმანიაში 5,5 მილიონი მიგრანტი იყო; ისინი დიდ ქალაქებში ეძებენ სამუშაოს. მათი დიდი ნაწილი გარკვეული პერიოდის შემდეგ სამშობლოში ბრუნდება, ხოლო ნაწილი უკვე რჩება მუდმივ საცხოვრებლად. მთავარი მაინც ის არის, რომ მიგრანტთა კომპაქტური დასახლებები არ იქმნება, ისინი დიდ ქალაქებში ნაწილდებიან და ამრიგად, ასე ვთქვათ, „ენერებიან“ ქვეყნის საერთო ცხოვრების წესში. ხოლო საქართველოში არამკვიდრ მოსახლეობას სოფელი ანუ მიწა აქვთ ათვისებული...

ანაორ თოთაძე,
განმარტებული მკვლევარი

ნიკო ლორთქიფანიძის

«ტრაგედია უბიროთ»

განხილვა

ნოდარ გრივალაშვილი

(დასასრული. დასაწყისი „საქართველო“ №18.)

II სულის ტკივილი

ღიას, ნოველაში ხორცის ტკივილს სულის ტკივილი ცვლის. ეს უკანასკნელი უფრო მწარე, უფრო დამთრგუნველი, უფრო გამაუბედურებელი ყოფილა ადამიანისათვის.

„მე შევჭამე...
ბავშვებს არაფერი ვაჭამე...
ღმერთო, რა მომივიდა?...
სირცხვილი! ხალხს რაღა ვუთხრა?! ვაი, თუ დაიხოცენ...
ადგა, მივიდა ბავშვებთან...
შეტრუებული ბულის ძირში მიგდებულებოდნენ... ეძინათ. მამა მიუწავს. ცრემლი შეჩერებოდა წამწამზე. თავს იკავებდა.
არ გავაღვიძო მაინც! რა ვქენი, რა ვქენი! დედა ხომ არ იზამდა!“

რამდენი რამ არის თქმული ამ ერთ ფრაზაში. „დედა ხომ არ იზამდა...“ ისიც, რომ ბავშვები ობლები არიან. ისიც, თუ რა არის დედა შვილებისათვის, ისიც, თუ რამდენად გაათქვიცებულია ტკივილი უნებლიე დამნაშავესა.

„უმცროსს გამოეღვიძა. გაუკვირდა, ჩაჩერდა მამას.
— მამა! — წყნარად დაინყო ბავშვმა.
— რა შვილო? — ნაზათ უპასუხა.“

მამის სულიერი მდგომარეობა კარგად ჩანს სამ სხვადასხვა სიტუაციაში.

ამ სულიერი მდგომარეობის ცვალებადობას საოცარი ოსტატობით აფიქსირებს მწერალი სულ უმნიშვნელო დეტალებით.

ავიღოთ შვილებთან საუბრიდან სამი ფრაზა:

1. — კი, შვილო, კი, ბიჭო — ეუბნებოდა ხან ერთსა და ხან მეორეს.

2. — გადით, თქვენ გასაწყვეტლებო!

3. — რა შვილო? — ნაზათ უპასუხა.

„კი, შვილო, კი, ბიჭო“ — ამ ფრაზას ამბობს, არც მეტი არც ნაკლები, გახარებული და თან გულაჩვილებული კაცი.

„გადით თქვე გასაწყვეტლებო!“ — ეს უკვე გამხეცებული, გონებაარეული პერსონაჟის სიტყვებია. დაბოლოს —

„რა შვილო?“ — შვილს უკვე სინონიმი აღარ მოსდევს. „ბიჭო“ აქ უკვე ზედმეტია, რადგან კაცი იხრჩობა, ცრემლი და

სინანული ახრჩობს და ერთადერთ სიტყვაში უნდა გამოიხატოს მთელი მისი ტკივილი. ამიტომ კი არ უთხრა, კი არ მიუგო, არამედ, „რა შვილო?“ — ნაზად უპასუხა. ეს „ნაზად“ უნებურად გახარებულ კაცსაც გვიხატავს, გახარებულს იმიტომ, რომ შვილმა ისევ ძველებურად მიმართა — „მამა“. მაგრამ პატარა ბავშვის მომდევნო ფრაზა განაჩენად იქცევა სინანულის ცრემლით განწმენდილი ამ უბედური კაცისათვის.

„მთლად შევჭამე?“ „მამა, ცოტა იქნებ დაგრჩა — მომეცი... მუცელი მტკივა — არ გაგამხელ“... მეტის ატანა შეუძლებელი გახდა.

სულის ტკივილს აპათიაში არ ჩაუგდია კაცი. ყველაფერი, რაც შემდეგ მოიმოქმედა, სრულიად გააზრებულად მოხდა. „ბანარი ტოტს მაგრად მიაბა, მარყუჟი გამონასკვა მეორე ბოლოში, გასინჯა — კისერზე თუ მომიჭერსო და...“

როგორც ვხედავთ, გაუზრებულად კი არა, კაცი შეგნებულად მოქმედებს. ბანარი ტოტს მიაბა. გასინჯა კიდევ, არ მომიტყდესო...

რაზე მეტყველებს ამ ორი ნოველის პირველი ნაწილისა და მეორე მონაკვეთის შედარება?

ხორცის ტკივილს, რაოდენ აპათიაშიც არ უნდა ჩაგვაგდოს, კიდევ ეშვება რამე. ან ღმერთი გვიშველის, ან კაცი და შიმშილით სიკვდილს გადაგვარჩენს. სულის ტკივილი კი გაუსაძლისია, იმდენად გაუსაძლისი, რომ ადვილი შესაძლებელია, ადამიანი თვითმკვლელობამდე მიიყვანოს.

III

რაღა ჩემს ვენახში

ნოველის უკანასკნელი ნაწილი სულ ორი წინადადებისაგან შედგება. თავისმკვლელის საქციელზე ორი ადამიანის რეაქციას გვაძინობს მწერალი. ერთი მოხუცი ნათლიაა, დედაკაცი, რომელმაც დამშუულ ბავშვებს ჭადის ფქვილი უწყალობა, მეორე კი ის მეზობელი, რომლის ვენახშიც ჩამოიხრჩო თავი ნოველის გმირმა.

„კეთილი ბებერი ნათლია იფოფრებოდა: — ღმერთო! ღმერთო! რა დროს მომასწარი!.. რა საცოდაობა დატრიალდა...“

ვინ მოუვლის ობლებს?! — ამ სიტყვებში სავსებით ბუნებრივი და ადამიანური რეაქცია ჩანს მომხდარი ტრაგედიით შეძრწუნებულ ადამიანისა.

„— რაღა ჩემს ვენახში, ჩემი კარის უკან, ჩემი ბანრით ჩამოი-

ხრჩო თავი ამ ოჯახქორმა!“ კეთილი ნათლისაგან განსხვავებით, ბრაზობდა და იწყებებოდა მეზობელი. ეს კი, ერთი შეხედვით, სრულიად არაბუნებრივი და არაადამიანური რეაქციაა, მომხდარი ტრაგედიით შეძრწუნებული მეზობლისა.

ღიას, მეზობელიც შეძრწუნებულია ტრაგედიით. და თუ ეს ასეა, რისთვის იწყებებოდა და ბრაზობდა მიცვალებულზე იგი?

საქმე იმაში გახლდათ, რომ მოხუცი ნათლის შეძრწუნების საფუძველი სხვისი ტრაგედიის გულთან მიტანა იყო.

მეზობელი კი თავისი მომავალი უბედურების წარმოდგენით შეძრწუნებულა და რაკი ამ მომავალ უბედურებაში „წვლილი“ მიცვალებულს მიუძღვის, ამიტომ იწყებება და ბრაზობს. აქედან გამომდინარე, მისი რეაქცია ტრაგედიისადმი ასევე ბუნებრივი ჩანს.

„— რაღა ჩემს ვენახში, ჩემი კარის უკან, ჩემი ბანრით ჩამოიხრჩო თავი ამ ოჯახქორმა! ბრაზობდა და იწყებებოდა მეზობელი“. ამ წინადადებას მოსდევს ნოველის უკანასკნელი ფრაზა, რომელიც სრულიად სხვა განზოგადობას აძლევს ნაწარმოებს. აი, ეს ფრაზაც — „რომელსაც ამ შემთხვევის გამო, ვინ იცის, რა მოელოდა“.

ახლა კიდევ ერთხელ გავისხენოთ განხილვის შესავალში თქმული: ნიკო ლორთქიფანიძემ ნოველაში „ტრაგედია უბიროთ“ დაგვიხატა სოციალისტური წყობილების პირველივე წლების გამოგნებული სიდუხჭირის, უკუღმართობის სისასტიკის სურათები.

მართალია, ნოველაში ერთი სიტყვითაც არ არის თქმული წყობილებისა და სახელმწიფოს სამართლიანობა-უსამართლობის შესახებ, მაგრამ ეს ფრაზა, — „ამ შემთხვევის გამო, ვინ იცის, რა მოელოდა“ — გვაფიქრებინებს, რომ ნაწარმოების პერსონაჟები არა მხოლოდ ეკონომიურად დუხჭირ, არამედ უსამართლო ქვეყანაშიც ცხოვრობენ. არა მარტო უპირობი და უფულონი, არამედ უუფლებონიც არიან. ამიტომ იყო შეძრწუნებული მეზობელი. მან, უდანამაულო კაცმა, არ იცოდა, ამ შემთხვევის გამო რა მოელოდა...

მოგადავსო ნოველი
შემოგთავაზებთ, დ. კლდიაშვილის
„სამაინაშვილის“
დედინაცვლის ბანნილვას

